

烽火集

盧冀野年

烽火集

左任

題烽火集

江絮生二十七年三月于漢皋

小講蘭臺鬢未秋渡江烽火更題樓青衫苦與憂天下一幅文章

萬疊愁

眼中花鳥不尋常濺淚驚心恣感傷第一哀時詞客事自修賦筆

寫流亡

新詞酬唱酒留連京國招邀憶往年衝雨不辭泥屐遠看花同爲

海棠顛

笛裏江城正落梅尊前重與看雲飛圍城玉貌匆匆憶陌上花開

緩緩歸



烽火集

柴室丁戊間詩

盧前翼野

上海曉發

早知無饜心稱兵必我奪堵海果設防不掘於臨渴一旦邊事生
其魚僇能活一家老幼多匪余先兔脫位置處安全余亦將釋褐
平生孫武法所得廬毫未閱世識窮變窮亟始通豁中國怒吼乎
士氣未可遏

過松江

塔影依依入我眼我心匪石不可卷當年側帽下雲間撰杖承權
日遊衍醉白池與陳公祠壁間題滿父子詩豈意流竄有今日車
輪腹轉苦低垂

于湖雜詩

青山埋得淳風骨一塵爲氓百事安說與慈親開口笑于湖許作

武陵看

八月二十八日移家于湖

江左流人比戶居前王後冷甕醅儲參戎作字兼張旭主計雄譚

笑惠魚

賃居羅家園與鄉人王禹莊冷羅黎樂共晨夕

故人楊李幾同還肯傍陶塘看緒山百畝碧荷苓落盡豈知身在

亂離間

時偕清棟家駱
大花園茗坐

對酒攤書了一秋蟲窗日日苦埋頭叩扉知是倪夫子蹋雨東門

挾我游

倪健飛校長
過從甚密

舊時小步荒榛滿今日環城廣道開金馬門前只尺地滄桑都到

眼中來

重過儒
林街

曳杖秋陰一款扉憩園花木潤山衣沉冥天也知人意肯放斜陽

送客歸

詩話无
量不偸

无酒而歌口愈饒隔牆招我共盃銜大睨高論王調父翹指談詩

更不凡

戲贈王調父

迢遞潭州一紙書平生師弟竟何如傷心卻似驚弓鳥待命誰憐

涸轍魚

寄霜厓師起潭

廣雅維丹舊有詩西江社裏甚微辭賞音獨感周郎顧四海逢人

譽項斯

喜周慶光至

咸豐廢礮未沙沈兵備當年開濟心何處蓋堂容嘯傲至今惟見

漸西亭

南岸問袁爽秋舊廡

登壇早魏豈干舌眼底青青盡麥田畢竟老農關國計讀書無益

子孫賢

高級農業學校邀往演講

絮斷萍漂等可傷一時買棹渡江忙回頭終向于湖別明日于湖

亦故鄉

別于湖

河上張友鷺友鶴昆季同游

青弋十年不掛眼臨流今日祇悲辛容君存問釣游地著我飽經

憂患人皴面亦嘗吁鞠武傷心何以避羸秦武陵短棹終難覓薄

莫相攜一問津

隔院似王調父世孫

元白當時比戶居深盃日日倡酬初尙能移夢開玄世漸廢殘編
越絕書一往江湖心血盡全家露鬢毛疏於今相見寒鐙底長
慶歌聲涕淚餘

答調父見和仍疊前韻

辟風鐘鼓詠爰居倦羽寒枝偃止初縮手眞成秋後葉回頭卻展
枕中書有身爲患時寧耐託命於錢計亦疏整頓生涯出蠹孔不
堪惆悵劫灰餘

無爲雜詩

澹芳煙波思渺然浮家都聚一篷前匆匆三月于湖佳又上無爲

縣裏船

十一月二十七日發于湖

江口風帆燈火裏兩三茆合接圩堤夜深時見下弦月一樣彎彎

照裕溪

夜泊裕溪口

涉險曾經濯錦還拏舟又過十三灣纔知一里滯須水未讓川江

滯須灘

滯須舟行

望中朵朵紅華堞指點州城傍一川景福還經雙塔峙此間雞犬

儻登天

河口望無
爲縣城

一行作吏幾迂儒坐見顛翁起一隅投硯爲妨蛙鼓動稻孫樓外

勸農初

過西
門街

黃竹青絲簇幾層舊家亭館我來登繡溪辟世眞奇絕問舍求田

媿未能

游繡
溪

青骨成神信有之杏花泉上蔣公祠慚余少日填詞筆未盡甘棠

去後思

謁吾鄉蔣紹由先生祠十二
年前余有無爲州雜劇之作

吾家門第盛三唐奕世儒宗式此鄉簪履半城誇望族却餘尚有

魯靈光

治愚言宗人秋浦先生年八十一矣一鄉耆彥推爲祭酒

抱膝閒吟鞍子巷問天予豈欲逃名平生劉過陳同甫但飲醇醪

莫論兵

閒吟

歸甫王

熙守溪

後直接章

大金正希

未許成弘作正音五百年間八股體

仗憑老手好追尋

居停薛翁日摩挲制藝不去手

殘鞠支離共一尊十年心迹比秋痕北樓夜月鰲峯雨憶到宣城

總斷魂

舊使薛鑑會張名德虛亡駿三君招飲

天荒地老歲云莫投我兵戈離亂前四海親朋果相憶慰人聊誦

古存篇

寄各見
親友

辟地無爲去石之歿且百日矣始得爲輓詩

殿殿石遺人奉手哀我側卜宅燕豆橋過翁花朝日嘗與吟詩品
自謂爲心得記空標二三將詩歸正色國風不可追楚音世罔極
匡時惟小雅亦以尊詩德上中匪有殊厥旨誰表出翁雖漫許之
猶復持所述別才旬月餘聞翁抱微疾如何轉眼間遽奪老成式
而我遭亂離思舊淚沾臆

宅門

夕陽何限意寫影宅門南老樹猶如此流人更不堪無疑歸是夢
回味蔗同甘葉落烏啼處銜愁孰可諳

燈下作

熒然雜萬慮向夜一鎧光相影纔盈尺聞音忽異鄉如遺終棄我
辟食究何方流徙無安宅還須計稻粱

怡隱軒呈秋浦宗老

吾宗怡隱老白首坐高軒煖眼陳編在安心眞性存伊川終有懼
明允識其原世亂何年已天乎不可言

吾鄉耆彥盡屈指一爲陳竺叟

袁公諱國興

山河邈遽庵

吳公諱鳴麟

墓艸

新於公爲故舊賤子屬端親尙想趨庭日須眉座上人

長言

辛穹何促促一孔蝨吾徒紙上心肝滿人間淚血汗工詩豈有意
將我入窮塗可以觀羣怨長言詠歎俱

喜倪受民自合肥歸

一勺繡溪水微瀾染鬢絲殷勤留客住展轉益余悲仗酒能銷被
殘年向盡時倪迂歸未脫風雪繪無爲

聞蕪湖克復賦別高專員文伯

果然雪竇僧龜著未須卜冬至纔過耳鳩水已規復

僧言冬至後我軍日利發

三盡頑敵當在明歲清明

初我渡江來如羊出虎谷豈意流亡人聚首芝山麓

侯獨偕苗

作新劉山

叢莽越三宿何有於死生留命幸不辱事後追

思之間髮登鬼錄今日紛笑譚相對乃捧腹天自助中國敵潰若

山覆侯歸待清明澄平豫可祝期我陶塘上一濯纓與足

旅祭

掉頭不復視始去我故居隔江望兵火意者成丘墟忽忽十三年

達辰涕淚初列簋銅陵荀佐以濡須魚今朝爲旅祭陳几鮮珍蔬
孫行五六輩跪拜從徐徐張羅兩新婦肩隨侃與伋皆父未及見
相偕喪亂餘放歸期旦夕好整舊門閭

飲酒

江城無旨酒而亦有高粱飲者未適口調之以糯漿潘侯

達夫

實首

勛功不讓杜康當歌尊俎前隨意爲樂章匪敢上和陶聊自寫骭

辭

釋子稱西土清真曰天方從古果誰踐踐者惟酒狂淺飲自能遠

薄醉漸迷茫如泥起魂魄飛舞歷穹蒼糟粕爲寄託酒教故堂堂

除夜

年年歷除夜詎意有今夕滅燭了弗視安此一瞬隙孤城如彈丸
飛鳥去無迹鳥豈爲避彈彈亦不鳥擲可憐彈丸外始覺天地窄
奪我眼中淚還補鬢邊白苦慮已多時智盡失其策何以出水火
願早登衽席

月下偕游錦繡溪

舉頭忍見故鄉月多事還來照繡溪一夜霜風添鬢白幾家骨肉

傍天西豈知高處夢能到揀盡寒枝鳥肯棲願與清光千里共淡
籠淮水護隋隄

喜從弟繁至

先子同懷十二人至今惟有七人存自遭喪亂各顛沛竄身何聞
城與村三姑九叔東海上續也依之母所望四叔入叔陷城中隔
絕聲聞願無恙小繩日昨家信至相遇七叔於武昌傳言六叔東
臺住維我棲遲淮之陽五叔兩月運漕客近雖咫尺聚難得馳書
謂久不成寐夜夜思鄉總頭白今朝故爾遣阿繁踽踽獨行四十

里越過倉頭打我門燈下一見驚呼起縈乎讀否香山詩骨肉流
離竟有之汝奉親來計亦好共棹明年還京師

夜市

刁斗聲滿街籠燈夜入市邏卒呵叱之行行不能止徧叩醫者門
殘月冷如水所懷骨肉親所念腹中子國難苦逼人家難猶未已
兩肩叢百憂萬事欠一死幸醫隨我來使我破顏喜看看東方天
魚肚浮淺紫

蓋棺

蓋棺了一世扛上太山頭地曰老虎洞無爲之北疇全家泊河干
欲去止能留城中變亂後樂土修荒州空巷絕人迹入國卽墟丘
烏乎吾叔母于歸十四秋賢以相季父平生乃多憂季父今遠隔
江河道且修況復干戈阻再見遂無由四妹旣我託共載於一舟
叔母其瞑目我必護之周承平倘可望季父來扶柩

方言
平叶

歸葬應

有日用以告九幽

襄安茗舍

襄安繫纜雪中行茗舍偷閑話死生別有村詞動座客嗚嗚都是

鼓聲

土橋阻雪

艱難江上路風雪土橋船寄命才三日耽心勝十年蓬低容膝倚
冰滑引帆懸兒女喧飢渴通宵又失眠

五日發和悅州

移枕江山三十里壓篷兒女一家人覺來忽聽鳴鞭爆始憶今朝
是立春

池州人日

溯江難豫計失喜入池州六月何曾息九華許暫投圍城千畝雪
安宅一扁舟坐待收京日東來補襖游

樅陽

朝離大江口暮宿樅陽上吾懷劉海峯垂老致高望靈臬方韓門
李翱公豈讓惜抱得薪傳樹幟爲宗匠啓承後先間蜂腰何用謗
古文久寂寥爲者已足壯况際乾嘉年從容發書藏好學如衛武
皓首伏里巷夙昔服桐城於公私所尚流亡始過之臨風獨惆悵

安慶偶書

美新竟出揚雄手能賦中郎亦典型始信文章不補行春燈燕子
阮懷寧

從東流香口鎮始舍舟步行

掠眼東流去不反吳頭回首斷人腸層嵐峭壁經多少帶水拖泥
到馬當

望匡廬弔陳散原丈三立

眞成一擲去舊迹忍相尋詩外空長物尊前憶賞音艱危无盡世
垂老已窮吟三字同光體誰知苦用心

甘棠湖

連檣排櫓都不見當日周郎領一湖甘棠依然映山色舳艫江上
竟何如千年江水有興廢千尋鐵鎖沈吳會要將水師圖自彊蘭
橈莫戀湖光美

南昌

橋外風光滿眼新下車依舊對陽春合流章貢濤何壯尚擁湖山
力不貧舉手終教能殺敵矢心自勉共成仁多艱豈已似南宋步
武文山必有人

遇吳大俊升漢口去故都之別五年矣感而爲詩十五韻

擲身離亂前漸覺中年苦室家已累人况復多兒女寇從東海來
我不能禦侮蹙蹙一孔中何者爲樂土五月千里行展轉成倦羽
室家終未安相望鬪高舉死生豈足惜知我有老母眠蠶自作繭
病鶴非不舞賈勇溯江上我亦止於楚里中遇長兄絮絮窮酸語
回首梅庵松把臂長安雨感舊每驚心乃落年少伍始信是哀樂
力所難拒取毋謂今馴羊當日故猛虎收京若可期抱書甘寂處

寄李白華晉芳宜昌二首

往古從政士曰官與吏僚策畫者賓客筦掌歸椽曹官實推行之
政舉力不勞冢宰起州牧明察及秋毫親民由寒素未習於梁膏
一方旣修治相國已有操兩漢爲龔黃三唐則宋姚宰輔何足貴
牧令彌可豪

吾友李大令二十始爲仕前後宰黃梅賢能譽自致運斤如弄丸
文字其餘事明年出修門奉檄守海澨溧陽彊項名一日喧都市
掉頭入幕府腐心將逃世故知用世才世亦不之棄宜昌得斯人
我欲觀其治

故人今尚在令亦憶之乎八月奔京師奉母走于湖一席未暇暖
渡江成斷瓠脫手了不惜所惜萬卷書平生龍川集意者肇燔如
近來楚郢客以我爲酒徒倚醉歌長句得似鄭莫無從政或有待
並世孰會胡

蔡垣先生自渝州至酒邊話舊感而詠之

蜀山繫我十年心舊日吳

碧 柳 劉 鐸 泉

把臂尋玉壘浮雲徒感慨錦江

載酒換沈吟猶憐絕命巴人誦誰識衰時洛學深後死艱難餘一

醉彌天四海尚知音

雪中渡江訪佛千

衝風掠雪過江來
九死餘生百不哀
我有新詞助兵氣
聞聲能使敵心摧

盈盈眼底龜山白
映我須眉尚少年
洗盡風塵肝膽壯
未須呵壁問青天

佛千楚客達雲秦
豹略龍文各一新
亦覺世間生意滿
巍肩斗酒汝何人

右古近體詩六十三首丁戊之間作田園寥落骨肉流離雖極人世之慘而抗戰之烈從古未有予不幸而顛連道路予又何幸而生逢此大時代也既鈔成帙以示其友友曰處境窮而情愈熱樂而不哀是余所取於吾子之詩予從其言遂以鉛植民國二十七年三月盧前冀野漢口記



